



— IMYIFATIRE MU —
RUGENDO
N'AMATEGEKO
ARUGENGA.

Kinyarwanda

كينيارواندي

Partners in Implementation



Content
Association



Rowad
Translation



Byenah



IslamHouse

This publication may be printed and disseminated by
any means provided that the source is mentioned and
no change is made to the text.

Tel : +966 50 244 7000
info@islamiccontent.org
Riyadh 13245-2836
www.islamiccontent.org

Ikuzo n'ishimwe ni ibya Allah
Nyagasani w'ibiremwa byose,
amahoro n'imigisha bisakare ku
Ntumwa yacu Muhamad, no ku
bantu be n'abasangirangendo
bayo bose.

Nyuma y'ibyo:

**Ubu ni ubutumwa mu ncamacye
ku byerekeranye n'imyifatire
ikwiye kuranga umuntu uri mu
rugendo ndetse n'amategeko
abigenga, twaharaniye
kugaragaza ibyo umuntu uri ku
rugendo akunze gucyenera.**

Allah niwe dusaba ko yabugira
ubukozwe kubera we
Nyir'ubutagatifu, kandi bukagirira
akamaro abayisilamu bose.

**Ubu butumwa bwateguwe n'akanama
k'ubumenyi mu muryango ushinze
gusakaza inyigisho za Kisilamu mu
.ndimi zitandukanye**

**ICYA MBERE:
IMYIFATIRE
IGENGA UMUNTU
URI KU RUGENDO.**



Birakwiye ko umuntu uri ku rugendo rwo mu mutambagiro mutagatifu cyangwa se n'ibindi bikorwa byo kwiye gereza Allah yita kuri ibi bikurikira:

Gusaba Allah kuguhitiramo igihe gikwiye, n'icyo kugenderaho, n'uzaguherekeza, ndetse n'inzira werekeramo igihe inzira ari nyinshi. Kandi akagisha inama inzobere n'abantu bakora ibikorwa byiza.

Naho urugendo rw'umutambagiro mutagatifu mukuru (Hijjat) n'umuto (Umrat) byo nta gushidikanya ko ari nziza. N'uburyo gusaba Allah ko aguhitiramo bikorwmo nuko asali rakat ebyiri, yarangiza agasaba ubusabe Intumwa y'Imana (Imana iyihe amahoro n'imigisha) yigishije.



Umuntu ugiye gukora umutambagiyo mukuru (Hidjat) n'umuto (Umrat) ni itegeko kuri we ko uwo mutambagiyo agiye gukora aba agamije gushimisha Allah Nyir'ubutagatifu wenyine no kumwiyegereza,

ntabe agamije iby'isi birangira cyangwa se kwiyerekana, cyangwa se kwegukana amazina runaka, cyangwa se gushimwa no kuvugwa n'abantu. kubera ko ibyo byose byaba impamvu y'uho ibyo akoze biba imfabusa ndetse ntibinakirwe.

Allah Nyir'ubutagatifu yaravuze ati:

(قُلْ إِنَّمَا أَنَا بَشَرٌ مِّثْلُكُمْ يُوحَىٰ إِلَيَّ أَنَّمَا إِلَهُكُمُ إِلَهٌ وَاحِدٌ فَمَن كَانَ يَرْجُوا لِقَاءَ رَبِّهِ فَلْيَعْمَلْ عَمَلًا صَالِحًا وَلَا يُشْرِكْ بِعِبَادَةِ رَبِّهِ أَحَدًا)

"Vuga (yewe Muhamadi) uti: "Mu by'ukuri nje ndi umuntu nkamwe. Nahishuriwe ko Imana yanyu ari Imana imwe rukumbi (Allah). Bityo, uwiringiye kuzahura na Nyagasani we, ajye akora ibikorwa byiza, kandi ntazagire ikindi asenga akibangikanyije na Nyagasani we." [Surat Al Kah'f: 110]

No muri Hadithi Ntagatifu iragira iti:

«أَنَا أَعْنَى الشِّرْكَاءِ عَنِ الشِّرْكِ، مَن عَمِلَ عَمَلًا أَشْرَكَ فِيهِ فَعَلِيَ غَيْرِي تَرَكْتُهُ وَشِرْكُهُ»

"Nje ndihagije ntacyo ncyeneye ku byo bambangikanya nabyo; uzakora igikorwa akakimbanyikanyamo n'ikindi kitari nje nzamureka n'ibangikanyamana rye."¹



Umuntu ugiye gukora umutambagiyo mukuru (Hidjat) n'umuto (Umrat) ni itegeko kuri we kubanza kwihugura amategeko awugenga,

ndetse n'amategeko y'urugendo mbere y'uko arutangira, kugira ngo atazareka igikorwa cy'itegeko cyangwa se akagwa mu cyaha kiziririjwe. Intumwa y'Imana (Imana iyihe amahoro n'imigisha) yaravuze iti:

«مَنْ يُرِدِ اللَّهَ بِهِ خَيْرًا يُفَقِّهْهُ فِي الدِّينِ»

“Uwo Allah ahitiyemo ibyiza, amushoboza gusobanukirwa idini.”²

Umuntu ugiye gukora umutambagiyo mukuru (Hidja) n'umuto (Umrat) ni itegeko kuri we guhitamo umutungo uziruye utaziririjwe uzamufasha muri ibyo bikorwa,

kubera ko Allah ari mwiza kandi atajya yemera usibye ibyiza, no kubera ko umutungo uziririjwe ari imwe mu mpamvu zo kutakirirwa ubusabe.

Kwicuza ibyaha byose n'amakosa, n'iyi afite iby'abandi atabishyuye agomba kubibaha,

agakiranuka nabyo, byaba ibyubahiro cyangwa se imitungo cyangwa se n'ibindi.

Umuntu uri ku rugendo ni byiza gusiga yanditse umurage, n'ibyo abandi bamugomba ndetse n'ibyo nawe abagomba; Intumwa y'Imana (Imana iyihe amahoro n'imigisha) yaravuze iti:

«مَا حَقٌّ أَفْرَأَيْتَ مُسْلِمٌ لَهُ شَيْءٌ يُوصِي فِيهِ يَبِيتُ لَيْلَتَيْنِ إِلَّا وَوَصِيَّتُهُ مَكْتُوبَةٌ عِنْدَهُ»

“Ntibikwiye ku muyisilamu ufite ikintu ashobora kuba yatangaho umurage (nk'umutungo, amadeni...) kumara amajoro abiri usibye ko umurage we ugomba kuba yawanditse awufite.”³

2- [Yakiriwe na Bukhari (2738), na Muslim (1627).

3- Yakiriwe na Abu Dawud, numero (4833).

Kandi akawutangira abagabo, ndetse akanishyura amadeni afitiye abandi, agasubiza indagizo ba nyirazo cyangwa se akabasaba uburenganzira bwo kudahita azibasubiza.

Ni byiza ku muntu ugiye mu rugendo gukora ibishoboka agatoranya umuherekeza mwiza, agaharanira ko yaba ari umwe mu bashaka ubumenyi bw'idini,

kubera ko ari imwe mu mpamvu zo kumushoboza no kwirinda kugwa mu makosa igihe ari mu rugendo cyangwa se mu mutambagiye we mukuru n'umuto, kubera Hadith y'Intumwa y'Imana (Imana iyihe amahoro n'imigisha) igira iti:

«الرَّجُلُ عَلَى دِينِ خَلِيلِهِ، فَلْيَنْظُرْ أَحَدَكُمْ مَنْ يَخَالِي»:

“Buri muntu aba ari mu idini ry'umukunzi we, na buri wese muri mwe ajye ashishoza arebe uwo akundana nawe.”⁴

No kubera imvugo y'Intumwa y'Imana (Imana iyihe amahoro n'imigisha) igira iti:

«لَا تَصَاحِبْ إِلَّا مُؤْمِنًا، وَلَا يَأْكُلْ طَعَامَكَ إِلَّا تَقِيًّا»:

“Ntuzagendane n'undi muntu utari umwemeramana, kandi ntihazagire umuntu urya ku byo kurya byanyu usibye umutinyamana.”⁵

4- Yakiriwe na Abu Dawud, numero (4832), na Tirmidhiy numero (2395).

5- Yakiriwe na A-Twaraniy, numero (823).



Ni byiza ko umuntu ugiye mu rugendo asezera ab'iwe, n'abaturanyi be,

n'inshuti ze. Intumwa y'Imana (Imana iyihe amahoro n'imigisha) yaravuze iti:

«مَنْ أَرَادَ أَنْ يَسَافِرَ فَلْيَقُلْ لِمَنْ يُخَلِّفُ: أَسْتَودِعُكُمْ اللَّهَ الَّذِي لَا يُضِيعُ وَدَائِعَهُ»

"Umuntu uzashaka kujya mu rugendo ajye abwira abo asize inyuma ati: **ASTAW'DIUKUMULLAHU LADHI LA YUDW'IIU WADA-IA'HU: Mbaragije Allah we utajya atererana abo aragijwe.**"⁶

Intumwa y'Imana (Imana iyihe amahoro n'imigisha) yajyaga isezera abasangirangendo bayo, iyo umwe muri bo yabaga ashatse kujya mu rugendo igira iti:

«أَسْتَودِعُ اللَّهَ دِينَكَ وَأَمَانَتَكَ وَخَوَاتِيمَ عَمَلِكَ»

"**ASTAW'DI-ULLAHA DIINAKA, WA AMANATAKA, WA KHAWATIIMA AMALIKA: Ndagije Allah ukwemera kwawe, n'indagizo zawe, n'iherezo ry'ibikorwa byawe.**"⁷

Intumwa y'Imana (Imana iyihe amahoro n'imigisha) yajyaga ibwira umwe mu bagiye mu rugendo uvisabye ko yamugira inama igira iti:

«رَبُّكَ اللَّهُ الْتَقَوْا، وَغَمَّرْ ذُنُوبَكُمْ، وَيَسِّرْ لَكَ الْخَيْرَ حَيْثُ مَا كُنْتَ»

"**Allah aguhe impamba yo kumutinya, anakubabarire ibyaha byawe, ndetse anakoroherenze ibyiza byose aho uzaba uri hose.**"⁸

6- Yakiriwe na Ahmad mu gitabo cye Al Musnad, numero (4524).

7- Yakiriwe na Tirmidhiy, numero (3444).

8- Yakiriwe na Ahmad mu gitabo cye Al Musnad, numero (9724).

Umugabo umwe yaje ku Ntumwa y'Imana (Imana iyihe amahoro n'imigisha) ashaka gukora urugendo nuko aravuga ati: Yewe Ntumwa y'Imana! Mpa impanuro. Nuko iramubwira iti:

«أَوْصِيكَ بِتَقْوَى اللَّهِ، وَالتَّكْبِيرِ عَلَى كُلِّ شَرَفٍ» فَلَمَّا مَضَى قَالَ: «اللَّهُمَّ ارْزُ لِي الْإَرْضَ، وَهَوِّنْ عَلَيْهِ الشَّقَرَ».

"Nguhaye impanuro zo gutinya Allah, no kujya uvuga ALLAH AKBAR igihe cyose ugeze ahirengeye." Ubwo yari amaze kugenda Intumwa y'Imana (Imana iyihe amahoro n'imigisha) yaravuze iti: Nyagasani Mana muhinire isi urugendo rube rugufi, unarumworohereze.⁹

 Ntiyitwaza mu rugendo rwe inzogera, inanga n'imbwa;

kubera invugo yaturutse kwa Abu Hurayrat yavuze ko Intumwa y'Imana (Imana iyihe amahoro n'imigisha) yavuze iti: لَا تَضَخَبُ الْفَلَايِكَةَ رُفْقَةً فِيهَا كَلْبٌ وَلَا جَرَسٌ.

"Abamalayika ntibaherekeza abantu bagendana n'imbwa cyangwa se inzogera."¹⁰



9- Yakiriwe na Muslim, kuri numero (2113).

10- Yakiriwe na Bukhari, kuri numero (2593), na Muslim kuri numero (2770).

Iyo ashatse kujyana n'umwe mu bagore be, igihe afite abarenze umwe, abakoresha tombola uwo iguyeho akaba ari we bajyana, kubera Hadith ya Aishat (Imana imwishimire) yaravuze ati:

«كَانَ رَسُولُ اللَّهِ صَلَّى اللَّهُ عَلَيْهِ وَسَلَّمَ: إِذَا أَرَادَ سَفَرًا أَفْرَغَ بَيْنَ نِسَائِهِ، فَأَيُّتَهُنَّ خَرَجَ سَهْمُهَا خَرَجَ بِهَا مَعَهُ».

"Iyo Intumwa y'Imana (Imana iyihe amahoro n'imigisha) yashakaga gukora urugendo yakoreshaga tombola hagati y'abagore bayo, uwo iguyeho akaba ari we ijyana nawe."

Ni byiza kuri we gutangira urugendo kuwa kane mu ntangiriro z'amanywa igihe bimworoheye, kubera ko n'Intumwa y'Imana (Imana iyihe amahoro n'imigisha) ariko yabigenje.

Ka'ab Ibun Malik (Imana imwishimire) yaravuze ati:

«لَقَلْنَا كَانَ رَسُولُ اللَّهِ صَلَّى اللَّهُ عَلَيْهِ وَسَلَّمَ يَخْرُجُ إِذَا خَرَجَ فِي سَفَرٍ إِلَّا يَوْمَ الْحَمِيرِ».

"Ni gacye cyane Intumwa y'Imana (Imana iyihe amahoro n'imigisha) yashakaga kujya mu rugendo, bitari ku wa kane."

Ni byiza ku muntu uri ku rugendo gusaba ubusabe bwo kuva mu rugo agiye mu rugendo ndetse no mu bind bihe, maze akavuga ati:

«بِسْمِ اللَّهِ، تَوَكَّلْتُ عَلَى اللَّهِ، وَلَا حَوْلَ وَلَا قُوَّةَ إِلَّا بِاللَّهِ، اللَّهُمَّ إِنِّي أَعُوذُ بِكَ أَنْ أَضِلَّ أَوْ أُضَلَّ، أَوْ أَزِلَّ أَوْ أُزَلَ، أَوْ أَظْلِمَ أَوْ أُظْلِمَ، أَوْ أَجْهَلَ أَوْ يُجْهَلَ عَلَيَّ».

"BISMILLAHI, TAWAKALTU ALA LLAHI, WALA HAWULA WALA QUWATA ILA BILLAH; ALLAHUMA INI A-UDHUBIKA AN ADWILA, AW UDWALA, AW AZILA, AW UZALA, AW ADHW'LIMA, AW UDHW'LAMA, AW ADJ'HALA, AW YUDJ'HALA ALAYA: Ku izina rya Allah, niringiye Allah, kandi nta bubasha n'ubushobozi usibye ko ari ibya Allah! Mana Nyagasani ndakwiyambaje ngo undinde kuba naba impamvu y'uko nayoba cyangwa se kuba nayobya undi, cyangwa se kugwa mu byaha naba mbigambiriye cyangwa se ntabigambiriye, cyangwa se kuba nagira uwo mpuguza cyangwa se nahuguzwa, cyangwa se kugira uwo ngirira urugomo cyangwa se ngo ndukorerwe."^{12,13}

12- Ni ingorane umuntu yahura nazo mu rugendo. Biri mu gitabo Al If'swaah an Ma'ani A-Swihaah (284/4).

13- Yakiriwe na Abu Dawud, numero (5094).

Ni byiza ku muntu ugiye ku rugendo gusaba ubusabe bwo ku rugendo, igihe yuriye ingamiya, cyanwga se imodoka, cyangwa se indege, cyangwa se n'ibindi bigenderwaho, akavuga ati:



«اللَّهُ أَكْبَرُ، اللَّهُ أَكْبَرُ، اللَّهُ أَكْبَرُ ثُمَّ يَقُولُ: (سُبْحَانَ الَّذِي سَخَّرَ لَنَا هَذَا وَمَا كُنَّا لَهُ مُقْرِنِينَ وَإِنَّا إِلَى رَبِّنَا لَمُنْقَلِبُونَ) [الزخرف: 14] اللَّهُمَّ إِنَّا نَسْأَلُكَ فِيهِ سَفَرَنَا هَذَا الْبَرَّ وَالْبَقْوَى، وَمِنَ الْعَمَلِ مَا تَرْضَى، اللَّهُمَّ هَوِّنْ عَلَيْنَا السَّفَرَ، وَاظْوِعْ عَلَيْنَا بَعْدَهُ، اللَّهُمَّ أَنْتَ الصَّاحِبُ فِي السَّفَرِ، وَالْخَلِيفَةُ فِي الْأَهْلِ، اللَّهُمَّ إِنِّي أَعُوذُ بِكَ مِنْ وَعَثَائِ السَّفَرِ، وَكَاتِبَةِ الْمَنْظَرِ، وَسَوْءِ الْمُنْقَلَبِ فِي الْمَالِ وَالْأَهْلِ».

"ALLAH AKBAR, ALLAH AKBAR, ALLAH AKBAR, SUB'HANA LADHI SAKHARA LANA HADHA WAMA KUNA LAHU MUQ'RINIINA WA INA ILA RABINA LAMUNQALIBUNA [SURAT A-ZUKH'RUF: 14]. ALLAHUMA INA NAS'ALUKA FI SAFARINA HADHA AL BIRA WA TAQ'WA, WA MINAL AMALI MA TAR'DWA. ALLAHUMA HAWIN ALAYNA SAFARANA HADHA, WATW'WI ANA BU'UDAHU. ALLAHUMA ANTA SWAHIBU FI SAFARI WAL KHALIFATU FIL AH'LI. ALLAHUMA INI AUDHUBIKA MIN WA'ATHA-I SAFARI¹⁴, WA KA-ABATIL MAN'DHWARI¹⁵, WA SU-IL MUN'QALABI¹⁶ FIL MALI WAL AH'LI¹⁷ : Allah asumba byose, Allah asumba byose, Allah asumba byose. Ubutagatifu ni ubwa Allah, We watworohereje ibi tutari kubyishoborera, kandi kwa Nyagasani wacu ni ho tuzasubira. Mana Nyagasani turagusaba muri uru rugendo rwacu ibyiza no kugutinya, no gukora ibikorwa wishimira. Mana Nyagasani tworohereze uru rugendo, unaruduhinire rube rugufi. Mana Nyagasani ni wowe Muherekeza mu rugendo, n'umusigire ku banjye nsinze mu rugo. Mana Nyagasani nkwikinze ngo undinde imvune z'urugendo n'indoro mbi, ndetse n'iherezo ribi mu mutungo no mu muryango."

14- Ni ukugaragara nabi no kugira agahinda. Biri mu gitabo Al If'swaah an Ma'ani A-Swihaah (284/4).

15- Ni uguhindukira. Biri mu gitabo Al If'swaah an Ma'ani A-Swihaah (284/4).

16- Yakiriwe na Ahmad mu gitabo cye Al Musnad, numero (6374).

17- Yakiriwe na Bukhari, numero (2998).



Ni byiza ko umuntu ugiye mu rugendo atagenda wenyine nta muherekeza,

kubera imvugo y'Intumwa y'Imana (Imana iyihe amahoro n'imigisha) igira iti: «لَوْ يَعْلَمُ النَّاسُ مَا فِي الْوَحْدَةِ مَا أَعْلَمُ مَا تَسَارَكَتْ يَلِيلِي وَحْدَةً».

“Iyo abantu bamenya ibyo nzi biba ku muntu uagenda wenyine, nta muntu wari kujya agenda ku rugendo nijoro ari wenyine.”¹⁸

“



Abari ku rugendo bitoramo ubayobora,

kugira ngo abahurize hamwe,
binatume bashyira hamwe, ndetse
bitume bagera ku ntego yabo.

Intumwa y'Imana (Imana iyihe
amahoro n'imigisha) yaravuze ati:

«إِذَا خَرَجَ ثَلَاثَةٌ فِي سَفَرٍ فَلْيُؤَمِّرُوا أَحَدَهُمْ».

**"Abantu batatu nibajya mu
rugendo bajye bitoramo
umuyobozi."¹⁹**

”




19- Yakiriwe na Ahmad mu gitabo cye Al Musnad,
nimero (17736).

Umuntu uri ku rugendo akwiye gushishikarira kubahiriza ibyo Allah yamutegetse no kwirinda ibyo yamuziririje, ndetse akanarangwa n'imico myiza;

aba akwiye gufasha no gutera inkunga ubicyeneye, ndetse akanaha ubumenyi ubumusabye ubucyeneye, akagira ubuntu mu mutungo we, akawutanga mu bimufitiye akamaro, n'ibigafitiye abavandimwe be ndetse no mu byo bacyeneye.

Ni byiza umuntu uri ku rugendo kurushaho kongera ibyo acyeneye mu rugendo,

kubera ko hari ibishobora kumubaho, ibintu bigahinduka.



Ni byiza umuntu uri ku rugendo kuba acyeye mu buranga,

nta mwaga, afite umutima mwiza, ndetse no guharanira gushimisha abandi bari kumwe, kugira ngo abisanzureho nabo bamwisanzureho.

Ni byiza ku muntu uri ku
rugendo kwihanganira
ibyamubaho nk'imyitwarire
mibi y'abo bari kumwe, no
,kunyuranya n'igitekerezo cye

akababanira mu
buryo bwiza,
kugira ngo
bamwubahe
imbere yabo.

Ni byiza ko iyo abagenzi bagize aho
bashyikira bajya hamwe,

kubera ko bamwe mu basangirangendo b'Intumwa y'Imana
(Imana iyihe amahoro n'imigisha) iyo bageraga ahantu, buri
wese yanyuraga ukwe bakajya mu bibaya n'imisozi, **nuko**
Intumwa y'Imana (Imana iyihe amahoro n'imigisha)
irababwira iti:

«إِنَّ تَقَرُّقَكُمْ فِي الشَّعَابِ وَالْأَوْدِيَةِ إِنَّمَا ذَلِكُمْ مِنَ الشَّيْطَانِ»

"Mu by'ukuri gutandukana kwanyu mukajya mu
bibaya n'imisozi mubiterwa na Shitani."²⁰

Nyuma yaho bajyaga baba hamwe, kugeza ubwo n'iyu
wabaramburira igitambaro bagikwirwaho.

Ni byiza ko umuntu uri ku rugendo iyo ageze ahantu asaba bumwe mu busabe bwizewe buturuka ku Ntumwa y'Imana (Imana iyihe amahoro n'imigisha) bugira buti:

«أَعُوذُ بِكَلِمَاتِ اللَّهِ التَّامَّاتِ مِنْ شَرِّ مَا خَلَقَ»;

"AUDHU BIKALIMATILAH
TAMAT MIN SHARI MA
KHALAQA: Nikinze ku
magambo ya Allah yuzuye
kugira ngo andinde ibibi by'ibyo
yaremye." ²¹

Kubera ko iyo avuze
atyo nta kintu
cyamugirira nabi
kugeza ubwo avuye
aho ngaho.

Ni byiza ku muntu uri ku rugendo kuvuga ALLAH AKBAR (Allah asumba byose) buri uko ageze ahazamuka, yagera ahamanuka no mu bibaya agatagatifuza Allah agira ati: SUBHANALLAH (Ubutagatifu ni ubwa Allah); Djabir (Imana imwishimire) yaravuze ati:

«يَا أَيُّهَا النَّاسُ ارْزُقُوا عَلَى أَلْسِنَتِكُمْ فَإِنَّكُمْ لَا تَدْعُونَ أَصَمَّ وَلَا غَائِبًا إِنَّهُ مَعَكُمْ إِنَّهُ سَمِيعٌ قَرِيبٌ».

"Iyo twazamukaga ahazamuka
twavugaga ALLAH AKBAR,
TWAMANUKA TUKAVUGA
SUBHANALLAH." ²²

Ntibavuga ALLAH
AKBAR mu majwi
aranguruye, Intumwa
y'Imana (Imana iyihe
amahoro n'imigisha)
yaravuze iti:

"Yemwe bantu! Mwiyoherereze kubera ko mutari gusaba igipfamatwi, cyangwa se udahari, ahubwo ari kumwe namwe yumva bihebuje kandi ari bugufi yanyu." ²³

Ni byiza ku muntu uri ku rugendo mu ijoro, kugenda mu ntangiriro zaryo; kubera imvugo y'Intumwa y'Imana (Imana iyihe amahoro n'imigisha) igira iti:

«عَلَيْكُمْ بِالذَّلَّةِ: فَإِنَّ الْأَرْضَ تُطَوَّى بِاللَّيْلِ».

"Muje mugenda mu ntangiriro z'ijoro, kubera ko mu ijoro isi irahinwa ikaba ngufi." ²⁴

21- Yakiriwe na Bukhari, numero (2994).

22- Yakiriwe na Bukhari, numero (2993).


23- Yakiriwe na Abu Daud, numero (2571).

24- Yakiriwe na Ahmad mu gitabo cye Al Musnad, numero (10771).

Ni byiza ku muntu uri ku rugendo gusaba kenshi,

kubera imvugo y'Intumwa y'Imana (Imana iyihe amahoro n'imigisha) igira iti:

«تَلَدْتُ دَعَوَاتٍ مُسْتَجَابَاتٍ لَا شَكَّ فِيهِنَّ: دَعْوَةُ الْمَظْلُومِ، وَدَعْوَةُ الْمُسَافِرِ، وَدَعْوَةُ الْوَالِدِ عَلَى وَلَدِهِ».



"Ubusabe butatu bwakirwa nta gushidikanya: Ubusabe bw'uwahugujwe, n'ubusabe bw'uri ku rugendo, n'ubusabe umubyeyi asabiye umwana we."²⁵

ICYA KABIRI: URI KU RUGENDO AGOMBA KURANGWA N'ISUKU.

Ni itegeko ku muntu

uri ku rugendo kwita ku isuku ye, agatawaza igihe abisabwa, ndetse akaniyuhagira ijanaba.

Iyo nta mazi abonye,

cyangwa se akaba afite macye acyeneye ku nywa no gukoresha mu byo kurya, yisukuza .igitaka (Tayamam)



Ni ugushyira
ibiganza ku butaka,
ukabihanaguza mu
buranga, no hejuru
y'ibiganza.

**Uburyo kwisukuza
igitaka bikorwamo:**

Kwisukuza igitaka ni iby'agateganyo,

kubera ko igihe cyose amazi abonecyeye ya suku y'igitaka iba ibaye imfabusa, icyo gihe niyo aba ategetswe kwisukuza. Iyo rero yisukuje igitaka kubera ijanaba hanyuma amazi akaboneka,

aba ategetswe kwiuhagira, n'iyoyisukuje igitaka amaze kwituma hanyuma amazi akaboneka aba agomba gutawaza. Byaje no muri Hadith ahagira hati:

«الطَّيِّبُ الطَّيِّبُ وَضُوءُ الْمُسْلِمِ وَإِنْ لَمْ يَجِدِ الْغَاءَ عَشْرَ سِنِينَ، فَإِذَا وَجَدَ الْغَاءَ فَلْيَتَّقِ اللَّهَ، وَلْيَمْسَحْ بِشِرْتِهِ».

"Itaka umuyisilamu yemerewe kuryisukuza kabone n'ubwo atabona imyaka icumi, ariko nabona amazi aje atinya Allah, yisukuze amazi ku mubiri we."²⁶

Guhanagura ku masogisi akoze mu ruhu (Khufi)

byavuzwe muri Qur'an, no mu migenzo y'Intumwa y'Imana (Imana iyihe amahoro n'imigisha), ndetse n'abagendera ku migenzo y'Intumwa y'Imana babyemeranyijweho.

Kugira ngo guhanagura ku masogisi akozwe mu ruhu (Khufi) n'ibindi nkabyo byemerwe bigira amabwiriza akurikira:

Kuba amasogisi akoze mu ruhu (Khofu) cyangwa amasogisi yo mu mwenda bifite isuku ndetse binemewe kuba wabyambara.

Kuba yabyambaye yamaze kwisukura (Udhu).

Kuba byambitse ibice by'itegeko ategetswe kwisukura.

Guhanagura amasogisi ni ku isuku yoroheje igusaba gutawaza, ariko igusaba kwiuhagira nk'ijanaba n'ibindi icyo gihe ni itegeko kwiuhagira.

Guhanagura bikorwa mu gihe runaka cyagenwe ni amanywa n'ijoro ku muntu utari ku rugendo, **n'amanywa n'amajoro atatu ku muntu uri ku rugendo.** Iki gihe nk'uko byaje mu mvugo z'impamo gitangira ku nshuro ya mbere yahanaguye ashaka isuku, kikarangirana n'amasaha makumyabiri n'ane ku muntu utari ku rugendo, **n'amasaha mirongo irindwi n'abiri ku muntu uri ku rugendo.**



Guhanagura ku masogisi byangizwa na kimwe muri ibi bintu bitatu:

Iyo agize umwanda umusaba kwiuhagira nk'ijanaba, icyo gihe guhanagura kwe biba imfabusa, aba agomba kwiuhagira.

Iyo ayiyambuye nyuma yo kuyahanagura.

Iyo igihe cyo kuyahanagura cyemewe mu mategeko cyarenze, guhanagura biba imfabusa.

* * *



ICYA GATATU: AMATEGEKO AGENGA
KUGABANYA UMUBARE WA RAKA
Z'ISWALAT KU MUNTU URI KU RUGENDO.

■ Kugabanya raka z'iswalat ku muntu uri ku rugendo **ni byo byiza** kuruta kuyisali wuzuza umubare wa rakat,

ariko n'iyo umuntu uri ku rugendo asayi azuzuza nk'iswalat ya rakat enye agasali enye, iswalat ye iba yemewe, n'ubwo aba anyuranyije n'ibyiza.

■ Umuntu uri ku rugendo **agabanya umubare wa rakat z'iswalat** igihe arenze agace cyangwa se umujyi atuyemo,

iyi ikaba ari imvugo ya benshi mu bamenyi.



■ **Ariko iyo akoze urugendo nyuma y'uko igihe cyo gusali kigeze yemerewe kugabanya rakat,**

kubera ko yatangiye urugendo mbere y'uko igihe cy'iyo swalat kirangira.

■ **Naho gusalira hamwe iswalat yo ku manywa**

(A-dhuhuri)
n'iyo ku
gicamunsi (Al
Aswri),

■ cyangwa se iya ni
mugoroba (Al
Maghrib) n'iya
nijoro (Al Isha-i),

niwo mugenzo w'umuntu uri ku rugendo iyo ariko abihisemo, iyo urugendo rwamubanye rurerure akirurimo, agahitamo gukora ibimworoheye akaba yazibanza zombi cyangwa se akazicyereza.



Ariko iyo uri ku rugendo adacyeneye gufatanya iswalat ebyiri yemerewe kudafatanya,

nko kuba yaba ageze ahantu adashaka kuva cyeretse igihe cy'iswalat ikurikiraho kigeze, icyo gihe ibyiza kuri we ni ukutazifatanya kuko atabicyeneye; niyo mpamvu Intumwa y'Imana (Imana iyihe amahoro n'imigisha) itigeze ifatanya iswalat ubwo yari igeze ahitwa Mina mu mutambagiro wayo wa nyuma yakoze kuko itari ibicyeneye.

Naho ku birebana n'iswalat z'imigereka

uri ku rugendo yazisali nk'uko n'utaruriho azisali, yemerewe gusali iswalat yo ku gasusuruko, n'ibihagararo by'ijoro, n'iswalat y'igiharwe (Wit'ri) ndetse n'izindi z'imigereka usibye iz'iswalat y'amanywa (Adhuhuri) n'iza nimugoroba (Maghrib) n'iza nijoro (Al Isha-i), umugenzo mwiza nuko atazisali.

Biremewe gukora iswalat y'umugereka ku kigenderwaho

mu rugendo nk'indege, imodoka, ubwato n'ibindi bagendaho mu rugendo. Naho iswalat y'itegeko ni itegeko kubanza kururuka cyeretse bidakunda.



Iswalat umuntu uri ku rugendo asariye inyuma y'utari ku rugendo iremewe,

icyo gihe ayisari yuzuzwa umubare wa rikat umuyoboye asaye, yaba yatangiranye nawe, cyangwa se asanze asigaje raka imwe, cyangwa se munsu yazo, kabone n'iyi yamusanga ku nyicaro y'ubuhamya ya nyuma ariko ataravugaga indamutso y'amahoro isozwa iswalat, icyo gihe yuzuzwa umubare wa rikat. Ibi bikaba ari nabyo by'impamo mu mvugo ebyiri zavuzwe n'abamenyi ku byerekeranye nabyo.

ICYA KANE: IMYIFATIRE IKWIYE KURANGA
UMUNTU UVUYE MU MUTAMBAGIRO MUKURU
(HIDJAT) CYANGWA SE UMUTO (UMRAT)
CYANGWA SE UVUYE MU RUGENDO.



Aba akwiye kugaruka vuba ntatinde mu rugendo nta mpamvu,

kubera imvugo y'Intumwa y'Imana (Imana iyihe amahoro
n'imigisha) igira iti:

«السَّمَرُ قِطْعَةٌ مِنَ الْعَذَابِ، يَمْلَأُ أَحَدَكُمْ طَعَامَهُ وَشَرَابَهُ وَتَوْفَهُ، فَإِذَا قَصَصَ
تَهَمَّتْهُ فَلْيُعْجَلْ إِلَى أَهْلِهِ».

"Urugendo ni kimwe mu bice by'ibihano,
bibuza umwe muri mwe kurya no kunywa
n'ibitotsi; iyo asoje ibyamujyanye ajye
yihutira gusubira mu be."²⁷

Iyo ashatse kugaruka mu gihugu cye,
yurira ikigenderwaho cye agasaba
ubusabe bukoreshwa akanangeraho
agira ati:

«أَيُّوْنَ تَأَيُّوْنَ غَائِبُوْنَ لِرَبَّنَا حَامِدُوْنَ».

"AYIBUNA, TAIBUNA, ABIDUNA, LIRABINA HAMIDUNA:
Turagarutse, twicujije, turi abagaragu ba Nyagasani wacu kandi
tumusingiza."²⁸

27- Yakiriwe na Bukhari, kuri numero (1797), na Muslim kuri numero (1342).

28- Yakiriwe na Bukhari kuri numero (4116).

Ni byiza ko mu kugaruka kwe avuye mu rugendo avuga ubusabe Intumwa y'Imana (Imana iyihe amahoro n'imigisha) yajyaga ivuga ivuye ku rugamba, cyangwa se mu mutambagiro mutagatifu mukuru cyangwa se umuto, yageraga ahazamuka ikavuga ngo Imana niyo nkuru (ALLAHU AKBAR) inshuro eshatu, yarangiza ikongeraho igira iti:

«لَا إِلَهَ إِلَّا اللَّهُ، وَحْدَهُ لَا شَرِيكَ لَهُ، لَهُ الْمُلْكُ، وَلَهُ الْحَقُّ، وَهُوَ عَلَى كُلِّ شَيْءٍ قَدِيرٌ، آيُنُونَ، تَائِبُونَ، غَائِبُونَ، سَاجِدُونَ، لِرَبِّنَا حَامِدُونَ، صَدَقَ اللَّهُ وَعْدَهُ، وَنَصَرَ عَبْدَهُ، وَهَرَمَ الْأَعْزَابُ وَخَدَعَهُ».

"LA ILAHA ILA LLAHU WAHDAHU LA SHARIKA LAHU, LAHUL MULKU WA LAHUL HAMDU WA HUWAALA KULI SHAY'IN QADIIR; AYIBUNA, TAIBUNA, ABIDUNA, SADJIDUNA LIRABINA HAMIDUNA, SWADAQALLAHU WA'ADAHU, WA NASWARA AB'DAHU, WA HAZAMAL AH'ZABA WAH'DAHU: Nta yindi mana ikwiye kugaragirwa usibye Allah wenyine rukumbi, we udafite uwo babangikanye, niwe Nyir'ubwami, n'ikuzo, kandi niwe Nyir'ubushobozi kuri buri kintu. Turagarutse, twicujije, turi abagaragu ba Nyagasani wacu kandi tumusingiza."²⁹



Ni byiza ku muntu uri ku rugendo akibona umujyi we kuvuga ati:

«أَيُّنُونُ تَائِبُونَ عَائِدُونَ لِرَبِّنَا خَائِدُونَ»

"AYIBUNA, TAIBUNA, ABIDUNA, LIRABINA
HAMIDUNA: Turagarutse, twicuzza, turi abagaragu, kandi
dusingiza Nyagasani wacu."³⁰

Akabisubiramo kenshi kugeza yinjiye mu mujyi we; nk'uko Intumwa y'Imana (Imana iyihe amahoro n'imigisha) nayo yabigenje.

Ntakwiye gusanga abantu be mu ijoro iyo amaze igihe kinini atahaba cyeretse abanje kubateguza, akazababwira n'igihe azahagerera ari mu ijoro;

kubera ko Intumwa y'Imana (Imana iyihe amahoro n'imigisha) yabubijije. Djabir Ibun Abdillah (Imana imwishimire we na se) yaravuze ati:

«نَهَى رَسُولُ اللَّهِ صَلَّى اللَّهُ عَلَيْهِ وَسَلَّمَ أَنْ يَطْرُقَ الرَّجُلُ أَهْلَهُ لَيْلًا»

"Intumwa y'Imana (Imana iyihe amahoro n'imigisha) yabubijije umuntu gutaha asubiye mu be ari mu ijoro."³¹

Mu bugenge bwabyo nk'uko byavuzwe mu yindi mvugo:

«حَتَّى تَفْتَشِطَ السُّعْيَةَ، وَتَسْجِدَ الْمَغِيْبَةَ»

"Ni ukugira ngo umugore abanze asokoze umusatsi we udasokoje, anagoshe imisatsi yo mu myanya y'ibanga (insya)."^{32,33}

30- Yakiriwe na Muslim, kuri nimeru (715).

31- Ni umugore uba umaze igihe umugabo we atari ahari agasokoza umusatsi we ndetse akanawusiga amavuta, ndetse no kogosha imisatsi yo mu myanya y'ibanga.

32- Yakiriwe na Muslim, kuri nimeru (715).

33- Yakiriwe na A-Nasa-iy, nimeru (9099).

No mu yindi mvugo iragira iti:

«تَهَيَّ رَسُوْلُ اللهِ صَلَّى اللهُ عَلَيْهِ وَسَلَّمَ أَنْ يَطْرُقَ الرَّجُلُ أَهْلَهُ لَيْلًا».

Intumwa y'Imana (Imana iyihe amahoro n'imigisha) yabujije umuntu gukomangira ab'iwe mu ijoro, atabagwa gitumo cyangwa se akabona inenge zabo."³⁴

Ni byiza ku muntu uvuye ku rugendo kubanza ku musigiti umwegereye, agasaliramo rakat ebyiri nk'uko Intumwa y'Imana (Imana iyihe amahoro n'imigisha) yajyaga ibigenza.



Ni byiza ku muntu uvuye mu rugendo akinisha abana b'iwe, **no mu baturanyi be**, akanabagirira neza igihe baje bamusanga.

Hadith ya Ibun Abas (Imana imwishimire we na se) yaravuze iti: Ubwo Intumwa y'Imana (Imana iyihe amahoro n'imigisha) yari igeze i Makat yahuye n'abana bato b'abahungu bo muri bene Abdul Mutwalib, iterura umwe mu biganza bye, n'undi mu mugongo we. Abdullah Ibun Dja'afar (Imana imwishimire) nawe yaravuze ati:

«كَانَ النَّبِيُّ صَلَّى اللَّهُ عَلَيْهِ وَسَلَّمَ إِذَا قَدِمَ مِنْ سَفَرٍ ثَلَاثِي بَنًا، قَالَ: مَثَلْفِي بِي وَبِالْحَسَنِ أَوْ بِالْحُسَيْنِ، قَالَ: فَخَفَلْ أَخَذْنَا بَيْنَ يَدَيْهِ وَالْأَخْزَ خَلْفَهُ حَتَّى دَخَلْنَا الْمَدِينَةَ.»

"Intumwa y'Imana (Imana iyihe amahoro n'imigisha) iyo yabaga ivuye mu rugendo tugahura nayo; Djabir yaravuze ati: Yahuraga nanjye na Hassan cyangwa se Hussein. Djabir yaravuze ati: Nuko uko umwe ikamuterura mu biganza byayo, undi ikamuheka mu mugongo kugeza twinjiye mu mujyi wa Madinat."³⁵

Ni byiza gutanga impano kuko bitunganya imitima,

bikanakuraho inzangano, ni na byiza kuyakira kandi ntibyemewe kuyanga nta mpamvu yemewe n'amategeko ihari. Niyo mpamvu Intumwa y'Imana (Imana iyihe amahoro n'imigisha) yavuze iti:

«تَهَادُّوا تَحَابُّوا.»

"Muje muhana impano bizatuma mukundana."³⁶

Impano ni imwe mu mpamvu zongera urukundo hagati y'abayisilamu.

35- Yakiriwe na Al Bayhaqiy mu gitabo cye A-Sunan Al Kubura, numero (11946).

36- Yakiriwe na Al-Twabaraniy mu gitabo cye Mu'udjam Al Aw'satw, numero (97).



Iyo umuntu uvuye ku rugendo ageze mu gihugu cye, biba byiza iyo ahoberanye n'abandi,

nkuko byashimangiwe biturutse ku basangirangendo b'Intumwa y'Imana (Imana iyihe amahoro n'imigisha) nkuko Anas (Imana imwishimire) yabivuze agira ati:

"Iyo abasangirangendo baturaga barasuhuzanyaga bahanye ibiganza, bava ku rugendo bagahoberana."³⁷

Index

IMYIFATIRE MU RUGENDO N'AMATEGEKO ARUGENGA.	1
ICYA MBERE: IMYIFATIRE IGENGA UMUNTU URI KU RUGENDO.	4
ICYA KABIRI: URI KU RUGENDO AGOMBA KURANGWA N'ISUKU.	20
ICYA GATATU: AMATEGEKO AGENGA KUGABANYA UMUBARE WA RAKA Z'ISWALAT KU MUNTU URI KU RUGENDO.	24
ICYA KANE: IMYIFATIRE IKWIYE KURANGA UMUNTU UVUYE MU MUTAMBAGIRO MUKURU (HIDJAT) CYANGWA SE UMUTO (UMRAT) CYANGWA SE UVUYE MU RUGENDO.	28

تعرف على الإسلام

بأكثر من 100 لغة



موسوعة الأحاديث النبوية
HadeethEnc.com



ترجمات متقنة للأحاديث
النبوية وشروحها بأكثر من
لغة (60)



بيان الإسلام
byenah.com



مواد متقنة للتعريف
بالإسلام وتعليمه بأكثر
من (120) لغة



موسوعة القرآن الكريم
QuranEnc.com



ترجمات متقنة لمعاني
القرآن الكريم بأكثر من
لغة (75)



موسوعات وخدمات إسلامية باللفات
s.islamenc.com



للمزيد
من المواقع الإسلامية
بلغات العالم



محتوى المحتوى الإسلامي
islamcontent.com



مواد إسلامية متنوعة
وشاملة بأكثر من (125)
لغة



ضيوف الرحمن
hajjumrh.com



مواد متقنة للحجاج
والمعتمرين والزوار
بلغات العالم

جمعية خدمة المحتوى
الإسلامي باللفات



ضيوف الرحمن

hajjumrh.com

